



**Kalaallit eqqumiitsuliaannut nunatta eqqumiitsulianik saqqummersitsiveqalernissaa pillugu Naalakkersuisut peqquneqarnissaannik Inatsisartuni aalajangiiffigisassatut siunnersuut.**

(Inatsisartunut ilaasortaq Múte B. Egede, Inuit Ataqatigiit)

(Siullermeernera)

Demokraatit isumaqarput eqqumiitsuliorneq kulturilu inuiaqatigiinni kinaassutsimut ataqatigiilluinnarlutik attuumassuteqartut, taamatuttaarlu ilusilerluakkamik eqqumiitsulianik saqqummersitsivissaq kusanartoq, kusanartunillu immersugaq inuiannut takornarianullu nuannaarutaangaatsiassaaq.

Tamanna tunngavigalugu namminneq kajumissutsiminnik sulinikut tanngassimaarutigeqaagut, maannamut aningaasaateqarfiit angisuut piareersimalermata maani Nuummi eqqumiitsulianik saqqummersitsivissaq aningaasaliiffiginissaanut. Angusaq torrak.

Paasivarputtaaq aningaasaleerusunneq malitseqassasoq namminersornerusunit nalunaaruteqartoqarnissaa siunissami ingerlatsinermut aningaasaliisoqarnissaa, taamaattumillu nuannaarutigaarput Naalakkersuisut tamanna nalunaarutigereermassuk.

Demokraatilli Naalakkersuisoq isumaqatigaat namminersornerusut eqqumiitsulianik saqqummersitsivissap sananeqarnissaa aningaasaliiffigissanngikkaat. Sanaartugassat allat pingaarnersiuqassaapput. Taamaattumik Naalakkersuisut taperserparput kissaateqarmata Aningaasanut Inatsisissaq 2017-mi oqaasertaliussatut ilimasaaruteqartoqarnissaa Kalaallit Nunaata eqqumiitsulianik saqqummersitsivia sanaartugassaq tamakkiisumik aningaasalerneqarsimasoq taamatuttaarlu ulluinnarni ingerlatsinermi aningaasalerneqarsimasoq.

Taamatuttaaq Naalakkersuisut akissutaani oqaaseqaatit allat ilalerparput, siunnersuullu una taamatut isikkoqartillugu itigartillugu.

**Forslag til Inatsisartutbeslutning om at Naalakkersuisut pålægges at arbejde for etablering af et nationalgalleri for grønlandsk kunst.**

(Medlem af Inatsisartut Múte B. Egede, Inuit Ataqatigiit)

(1. behandling)

Demokraterne mener, at kunst og kultur er en vigtig del af den sammenhængskraft og identitetsfølelse, der er i et samfund, og vi tror, at et arkitektonisk flot nationalgalleri med et kvalitetsbevidst indhold vil være til stor glæde både for herboende og for turister.

Vi er på den baggrund stolte over det store frivillige arbejde, der nu har resulteret i, at store fonde er klar med penge til at betale for anlægget af et nationalgalleri her i Nuuk. Det er godt gået.

Vi har ligeledes forståelse for, at fondsfinansieringen er afhængig af et tilsagn fra Selvstyret om at sikre penge til den fremtidige drift, og vi er derfor glade for at konstatere, at Naalakkersuisut



allerede har givet dette tilsagn.

Demokraterne er dog enige med Naalakkersuisut i, at der ikke skal bruges nogen af Selvstyrets anlægsmidler til at opføre et nationalgalleri. Der er andre anlægsområder, der skal prioriteres højere. Derfor bakker vi op om Naalakkersuisuts ønske om, at vi via en tekstanmærkning på Finansloven for 2017 giver tilsagn om overtagelse af det fuldt finansierede anlægsprojekt samt driftsstøtte til Grønlands Nationalgalleri for Kunst.

Herudover tilslutter vi os Naalakkersuisuts øvrige bemærkninger i svarnotatet og forkaster nærværende forslag